

事張季文自長沙得之云是嘉定中何致子一摹刻於
岳麓書院者皆駢駢文字凡七十七字不可曉碑旁小
書云古帝禹刻南岳密雲峯山頂之間水繞石壇之上
何致子一以禹云國家幽得之衆夏之書刻之於此詳
記在山下小書內三字剝落至明嘉靖初國子生沈鎰
自謂能辨其文云承帝曰嗟翼輔佐卿水處與登鳥獸
之門參身魚池而明發爾興以此忘家宿岳麓庭智營
形折心罔弗辰往求平定華岳泰衡宗疏事哀勞餘伸
禋羸塞昏徙南暴昌言衣制食備萬國其寧鼠舞蒸奔
且謂鎰得此刻請禱夜夢長人挈一古餅授鎰其色黃
高尺許上方下圓腹外有回金環其口旁橫書某宮造

三字下有篆文如龍蛇草木形寤而忘首一字起誦碑
文恍然有省因爲註釋持以獻湛甘泉甚異之楊愼釋
曰承帝曰咨翼輔佐卿洲渚與登鳥獸之門參身洪流
而明發爾興久旅忘家宿岳麓庭智營形折心罔弗辰
往求安定華岳泰衡宗疏事哀勞餘伸禋鬱塞昏徙南
塗衍亨衣制食備萬國其寧鼠舞永奔楊時喬釋曰承
帝令襲翼爲援弼欽塗陸登島瀕端鄉邑仔麓流船暗
歇遲眠卽夙迄冬次岳麓屏陌裂菑析踞罔墮屢往求
出竅華恒泰衡嵩隴事哀獻桴挺禋鬱濬塾徙南暴幅
員節列界聯魑魅夔魍窺舞蒸彝郎瑛釋曰承帝曰嗟
翼輔佐卿水降輿發鳥獸交行參身若流祁明癸酉興